



Na osnovu člana 24. Zakona o raseljenim osobama i povratnicima u Tuzlanski kanton i izbjeglicama iz Bosne i Hercegovine („Službene novine Tuzlanskog kantona“ broj: 2/06 i 15/11), tačke IV stav 3. Programa o utvrđivanju uslova, kriterija i postupaka za raspodjelu sredstava Budžeta Tuzlanskog kantona za 2018. godinu sa pozicije 23040001 - "Podrška povratku prognanih lica" broj: 02/1-14-4033-2/18 od 10. 04. 2018. godine, Ministarstvo za rad, socijalnu politiku i povratak u Vladi Tuzlanskog kantona, objavljuje

JAVNI POZIV

za prikupljanje prijava za odabir korisnika grant sredstava sa pozicije
"Podrška povratku prognanih lica"

I. PREDMET JAVNOG POZIVA

Predmet Javnog poziva je prikupljanje prijava za odabir korisnika grant sredstava utvrđenih u razdjelu 23, glava 04, potrošačko mjesto 0001 "Podrška povratku prognanih lica" u Budžetu TK-a za 2018. godinu.

II. NAZIV PROJEKTA, CILJEVI, KRITERIJI I KORISNICI

Sredstva predviđena za projekte održivog povratka se dodjeljuju povratnicima na području Tuzlanskog kantona i osobama koje su imale status raseljenog lica na području Tuzlanskog kantona, a vratili se u svoja prijeratna mjesta prebivališta za realizaciju samostalnog projekta u iznosu do 6.000,00 KM (slovima: šest hiljada KM) sa obračunatim PDV-om po zahtjevu povratnika. Maksimalan broj korisnika koji mogu dobiti finansijska sredstva je pet (5) po jednoj općini/gradu.

Sa odabranim korisnicima Ministarstvo će potpisati pojedinačne ugovore, a korisnicima sredstva će biti doznačena na lični transakcijski račun.

Prijavu na Javni poziv podnosi isključivo nosilac domaćinstva. Prijava se može podnijeti za: priključke za mehanizaciju; motokultivatore (mali, srednji, veliki); plastenik do 100 m²; sitnu stoku (koze, ovce); krupnu stoku (muzne krave, steone junice, tovnna junad, svinje); mašine i uređaje za bavljenje obrtničkom djelatnošću (stolar, bravar, stomatolog, mesar, krojač, zidar, bričo, frizer, uzgoj ribe i dr.) i gospodarske objekte.

Po prijavi podnosioca, Ministarstvo će odobravati sredstava kako slijedi:

a) Motokultivator	
- veliki	5.000,00 KM
- srednji	4.000,00 KM
- mali	3.000,00 KM
b) Plastenik	2.000,00 KM
c) Mašine i uređaji za obrtničku djelatnost do	6.000,00 KM
d) Jednu muznu kravu	2.500,00 KM
e) Jednu steonu junicu	2.500,00 KM
f) Jedno tovnno june	1.200,00 KM
g) Jednu ovcu	150,00 KM
h) Jednu kozu	150,00 KM
i) Jedno pčelinje društvo	200,00 KM
j) Jednu svinju (suprasna)	800,00 KM
k) Jedno prase	150,00 KM
l) Poljoprivredna proizvodnja do	5.000,00 KM
m) Gospodarski objekti do	6.000,00 KM

Uslovi za odabir korisnika donacije za održiv povratak:

USLOVI	DOKUMENTACIJA - DOKAZI
1. Prijavni obrazac	Može se podići u prostorijama Ministarstva za rad, socijalnu politiku i povratak TK-a ili preuzeti na Web stranici Vlade TK.
2. Status povratnika	Potvrda-uvjerenje nadležne službe u općini/gradu u kojoj se podnosilac prijave za donaciju vratio. U potvrdi-uvjerenju mora biti naznačeno ime i prezime nosioca domaćinstva i članova njegove porodice koji su se vratili u prijeratno prebivalište kao i godina povratka. Potvrda-uvjerenje ne smiju biti stariji od 30 dana od dana objavljivanja javnog poziva.
3. Uvjerenje-potvrda ili rješenje da je korisnik imao status raseljene osobe na području TK i RS	Potvrda-uvjerenje da je korisnik imao status raseljene osobe na području TK i RS prije povratka u prijeratno mjesto prebivališta. Potvrda-uvjerenje izdaje nadležna općinska/gradska služba na području Tuzlanskog kantona odnosno Republike Srpske u kojoj je podnosilac prijave imao status raseljene osobe. Potvrda-uvjerenje ne smiju biti stariji od 30 dana od dana objavljivanja javnog poziva, ili ovjerena kopija rješenja o priznavanju ili ukidanju statusa raseljene osobe izdata od nadležne općinske/gradske službe Tuzlanskog kantona ili Republike Srpske.
4. Projekat/projektna ideja	U pisanoj formi, priložiti projektnu ideju slijedećeg sadržaja: za koju namjenu se koriste sredstva, izvori finansiranja projekta (vlastita sredstva i ulaganja iz drugih izvora), mogući broj radno angažovanih lica na projektu nakon realizacije donacije, da li je već započet projekat ili je samo ideja, kao i predviđeni finansijski efekti projekta.
5. Izjava podnosioca zahtjeva	Da podnosilac prijave ili članovi njegovog domaćinstva do sada nisu dobili donaciju na ime održivog povratka od strane resornog Ministarstva TK. Ovjerena izjava u nadležnoj instituciji ne smije biti starija od 30 dana od dana objavljivanja javnog poziva.

Kriteriji za odabir korisnika donacije za održiv povratak:

KRITERIJI	DOKUMENTACIJA - DOKAZI
1. Godina povratka	Godina povratka porodice u prijeratno prebivalište. Potvrda iz tačke 2. Uslova
2. Kućna lista – broj članova porodičnog domaćinstva	Svi podnosioci prijave za donaciju prilažu ovjerenu kućnu listu, odnosno uvjerenje o zajedničkom domaćinstvu, izdato od nadležne općinske/gradske službe u mjestu povratka. U kućnoj listi moraju biti navedena samo lica koja su se vratila u prijeratno prebivalište (povratnici). Kućna lista ne smije biti starija od 30 dana od dana objavljivanja javnog poziva.
3. Porodični standard	<ul style="list-style-type: none"> • Za svakog člana porodice ako je zaposlen, penzioner ili ima primanja po bilo kom drugom osnovu, potvrdu o ostvarenom primanju u posljednjem mjesecu koji je prethodio mjesecu u kojem je raspisan Javni poziv. • Za nezaposlene nosioce domaćinstva i punoljetne članove porodice dokaz od Službe za zapošljavanje o tome da je prijavljen na birou rada ili uvjerenje o prihodima iz nadležne poreske uprave iz općine/grada prebivališta. Dokaz ne smije biti stariji od 30 dana od dana objavljivanja javnog poziva. • Za članove porodice koji pohađaju, osnovnu, srednju školu ili dodiplomski studij prilaže se uvjerenje/potvrda o pohađanju osnovne, srednje škole ili fakulteta za zadnju školsku godinu ili kopiju indeksa, kopiju svjedočanstva ili kopiju đачke knjižice za zadnju školsku godinu. • Za osobe predškolskog uzrasta, sa kućne liste, priloži rodni list, original ili kopiju. • Sve punoljetne osobe sa kućne liste prilažu kopiju lične karte i kopije bankovnog računa za podnosioca prijave.
4. Osobe sa invaliditetom	Rješenje o stepenu invaliditeta koje je usklađeno sa važećim zakonskim propisima, izdato od nadležne općinske službe, odnosno, službe za boračku zaštitu ili posljednje rješenje na snazi kojim je priznato pravo na ličnu invalidninu od nadležne institucije za te poslove.
5. Porodice poginulih boraca/šehidske porodice	Potvrda nadležne općinske/gradske službe, odnosno Službe za boračku zaštitu ili posljednje rješenje koje je na snazi o priznatom pravu na porodičnu invalidninu ili ovjerena kopija šehidske kartice.
6. Porodice nestalih	Potvrda nadležne općinske/gradske službe ili Instituta za nestala lica u BiH.
7. Bivši logoraši	Ovjerena kopija legitimacije - knjižice Udruženja logoraša ili Međunarodnog komiteta Crvenog krsta/križa.
8. Demobilisani borci	Potvrda ili uvjerenje o ratnom stažu izdato od nadležne institucije.
9. Ocjena projekta/ projektna ideja	Parametri projekta koji će se ocjenjivati su: izvori finansiranja projekta (ulaganje iz drugih izvora), mogući broj angažovanih lica nakon realizacije donacije, da li je već započet projekat ili je samo ideja.
10. Ulaganje iz drugih izvora	Učešće u finansiranju projekta (Ugovor, odluka sa iznosom finansiranja, računi i sl.).
11. Mogući broj angažovanih lica	Broj angažovanih lica na projektu (procjena Komisije 1 u odnosu na obimnost projekta ili ovjeren spisak prijavljenih lica koji su angažovani na projektu i zapisnika Komisije 2 sa terena).
12. Da li je već započet projekat ili je samo ideja	Procjena Komisije 1 na osnovu sadržaja projekta i priložene dokumentacije i zapisnik Komisije 2 sa terena.

III. SADRŽAJ PRIJAVE ZA UČEŠĆE NA JAVNOM POZIVU

Sva priložena dokumenta moraju biti izdata od strane nadležnih sudskih ili organa uprave BiH. Sve priložene kopije dokumenata moraju biti ovjerene od strane nadležnih organa uprave ili notara.

IV. KRITERIJI ZA OCJENU PRIJAVE I IZBOR KORISNIKA

Kriteriji za ocjenu prijave utvrđeni su Pravilnikom o utvrđivanju kriterija i postupka za odabir korisnika donacija u finansijskim sredstvima na ime održivog povratka.

Komisije za izbor korisnika sredstava imenuje ministar za rad, socijalnu politiku i povratak u Vladi TK.

Komisija Ministarstva će izvršiti terenski obilazak podnosioca prijave koji ispunjavaju uslove za dodjelu donacija, pojedinačno za sve općine u skladu sa procjenom broja korisnika donacija uvažavajući raspoloživa sredstva i na licu mjesta se uvjeriti u dostavljenu dokumentaciju te na osnovu toga se opredjeliti za odbijanje ili prihvatanje prijave.

V. NAČIN PREUZIMANJA POTREBNOG OBRAZCA

Potrebni obrazac se može preuzeti u prostorijama Ministarstva za rad, socijalnu politiku i povratak TK u Tuzli, ulica Fra Grge Martića br. 8, svakim radnim danom u vremenu od 8-16 sati ili elektronskim putem na web stranici Vlade TK (www.vladat.kim.ba).

VII. NAČIN PODNOŠENJA PRIJAVE

Prijave sa odgovarajućim prilogima šalju se preporučeno poštom ili lično u zapečaćenim kovertama na adresu: Ministarstvo za rad, socijalnu politiku i povratak Tuzlanskog kantona Rudarska br.57, 75000 Tuzla prijava na JAVNI POZIV sa naznakom: **Ne otvarati – prijava po javnom pozivu za održiv povratak**. Na poledini kovertе obavezno navesti ime podnosioca prijave, adresu i kontakt telefon. Rok za dostavu prijave je 20 (dvadeset) dana od dana objavljivanja Javnog poziva u dnevnom listu. Prijave koje stignu nakon utvrđenog roka neće biti razmatrane.

Rezultati bodovanja i imena odabranih korisnika objavit će se u dnevnim novinama i oglasnim tablama nadležnih općinskih/opštinskih/gradskih službi, kao i na web stranici Vlade Tuzlanskog kantona. Sve informacije se mogu dobiti na kontakt br. tel.: 035/369-356, ili neposredno u prostorijama Ministarstva za rad, socijalnu politiku i povratak, Ul. Fra Grge Martića br. 8, Tuzla.

VIII. OSTALE ODREDBE

Sa podnosiocima prijava čije prijave budu prihvaćene Ministarstvo za rad, socijalnu politiku i povratak u Vladi Tuzlanskog kantona će potpisati Ugovor o implementaciji finansijskih sredstava, kojim će se definirati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

Odredbe Zakona o raseljenim licima i povratnicima u Tuzlanski kanton i izbjeglicama iz Bosne i Hercegovine ("Službene novine Tuzlanskog kantona" br. 2/06 i 15/11):

Član 28. "Korisnici koji dobiju pomoć na temelju netačnih podataka ili lažnih izjava, ili usmjere pomoć u nenamjenske svrhe, obavezni su Ministarstvu dati nadoknadu u iznosu pogrešno upotrijebljene ili pogrešno dodijeljene pomoći ili da vrate svu pomoć koju su dobili putem Ministarstva."

Član 32. "Novčanom kaznom od 500 do 1000 KM kaznit će se za prekršaj korisnik koji dobije pomoć na osnovu netačnih podataka ili lažnih izjava, ili usmjere pomoć u nenamjenske svrhe (član 28.)."

MINISTRICA
Sandra Memić